

INPUÂNNA AṬANGA THLAMUANNA



CHÂNGVAWN: “Aw LALPA, ngaithla teh! Aw LALPA, ngaidam rawh! Aw LALPA ngaithlâ la, lo chê ang che! Aw ka Pathian, nangmah avâng ngeiin i khawpui tân muangchâng suh ang che, i mîte chu i hminga koh an ni sí a,” (*Daniela 9:19, NKJV*).

SABBATH CHAWHNÛ

February 29

Chhlar Tûr: 2 *Lalte 19:15–19; Jeremia 25:11, 12; 29:10; Daniela 9; Matthaia 5:16; Jakoba 5:16.*

DANIELA 9-ah hian Bible-a ṭawngṭaina ropui ber zînga pakhat a chuâng a. A nuna harsatna lo thlen lai takin, a hmâa chona lo thleng a hmachhawn theih nân Danielan ṭawngṭaiin ṭan a lâ a. Pathian hre lo lal mumang avânga amah leh a ṭhiantu chu tihhlum hlauhthâwn awma an awm laiin, ṭawngṭaiin zâwlnei hian Pathian a dâwr a (*Daniela 2*).

Lal thupêk chhuah hmanga lal hnênah chauh lo chuan Pathian hnênah pawh dîlna thlen phal loh a nih lai khân, Daniela chuan a nî tin tih dân pângngaiin Jesusalem lam hawiin a ṭawngṭai zui zêl tho va (*Daniela 6*). Chutiang chuan, Daniela 9-a ṭawngṭaina kan ngaihtuahin, Daniela 8-a ‘tlâi leh zîng 2,300 inlârna thû khân zâwlnei chu a nghawng na hlê a ni tih kan hre reng tûr a ni.

Khâ hrilh lâwkna zîârâng tângpui chu sawi fiah a ni tawh nân, Daniela khân vân mi pahnihte inbiaknaa hun “tlâi leh zîng sângnih leh zathum thlengin; tah chuan hmun thianglim chu thenfâi a ni ang,” (*Daniela 8:14*) tih chungchâng kha a la man thiam rih lo va. Helai bung 9-ah chia hian zâwlnei hnênah êng chu pêk niin, chu chu thahnemngai taka dîlna chhânnaa lo thleng a ni.

SUNDAY

March 1

Pathian Thû Laipua Neihna

Daniela 9:1, 2 chhiar la. Danielan fîmkhur taka a zir hrilh lâwkna ‘lehkhabûte chu ka hre thiam ta’tiin a sawi a. Bible-a eng bû a sawina nge ni?

Hê tawngtâina chîk taka kan en chuan, a hmâa Pathianin Mosia leh zâwlneite hmanga a lo puân chhuah tawh chîk taka zirna rah chhuah a ni tih a lang a. Zâwlnei Jeremia lehkhabu ziala ‘saltân hun chhông chu kum sawmsarih a ni dâwn’ (*Jeremia 25:11, 12; 29:10*) tih hriain, Danielan hun pawimawh takah a chêng tih a inhre thiam ta a.

Danielan hê tawngtâina a hlan kum kha B.C. 539, Persia Lalramin Babulon a hneh kum kha a ni tih rilrûah hre reng ila. Tichuan Nebukadnezzaran Jerusalem a hneh a tempul a tihchhiat aţang khân kum sawmsarih a ni dâwn ruâi tawh a. Chuvângin, Jeremia hrilh lâwkna ang chuan Pathian mîte chu an ram lamah an hâwng leh dâwn têt tawh tihna a ni. Pathian Thû chu rinchhanin, Danielan a mîte tân thil pawimawh eng emaw tak a thleng dâwn tih a hria a. A Thûa Pathian tiam angin Babulona saltâna chu tâwpin, Judate chu an ram lamah an hâwng leh dâwn ang.

A hmuh theih ang ang Pathian Lehkhathu a zirna aţangin Danielan a mîte sualna nasatzia a hre Chiang a. Thuthlung an bawhchhia a, Pathian nêna an inlaichînna a chhe zo va; chû thilin a ngawng chhuah chu saltâna a ni (*Lev. 26:14–45*).

Tichuan, Pathian thû a zirna aţangin Danielan hun hriat thiamna a nei a, chû chuan a mîte tâna Pathian hnêna dîlna thlen lo thei lo vin a siam ta a ni.

Kan khawvêl tâwpna hun kan hnaih zêl lai hian, Pathian Thû chîk lehzuala zir leh a taka nunpui a ngai a. Kan chênna hun sawi fiah tûra thuneihna chu Pathian thû aţang chauhin kan nei thei a ni. Pathian Lehkathû aţang hian sual leh ţa kâra indona ropui kan hre thei a, mihring chanchina thil ţa lo vin ro a rêlna hun lo tâwpin, Pathian chatuan lalram chu din a ni dâwn a. Pathian thû kan zir nasat poh leh kan chênna tûnlai khawvêl dinmun kan hre Chiang zuâlin, khawvêlin min pêk theih loh beiseina kan neih chhan tûr pawh kan hre Chiang zual ang.

Engtin nge amah ngawta khawvêl awmze nei lo anga lang hi hre thiam tûra Bible-in min ţanpui ţin?

THAWHĀANNĪ
Khawngaih Tûra Ngenna

March 2

Daniela 9:3–19 chhiar la. Eng thil behchhanin nge Danielan zahngaihna a dîl?

Hê ţawngţainaa thil ţhenkhat kan chhinchhiah tûr chu: A hmasa berin, a dîlna khawi laiah mah Juda mîte chung a chhiatna lo thlenga insawifiahna ang chî a tel lo. A chhan a hre sâ vek tawh zâwk a ni. Dik takin, chutiang a thlentîrtûte zîngah amah Daniela kha a inchhiar tel zâwk a: “A chhiahhlawh zâwlneite hmanga kan hmâa a dah, a dânte zâwmin LALPA kan Pathian âw chu ka âwih hek lo” (*Daniela 9:10*, NKJV) tiin. Daniela 8 tâwpa ‘tlâi leh zîng 2,300 chungchâng a hre thiam lo a tih kha (*Daniela 8:27*), Danielan hriat thiamna neih a duh a ni.

A pahnihna chu, hê ţawngţaina hi Pathian khawngaihna dîlna niin, A chung a sualin, thil ţa lo lo ti ta mah se A mîte chu ngaidam tûrin a ngên a. Eng emawti zâwng chuan, hetah hian

chanchin thâ entîrna kan hmû a, mahnia thâtna rêng nei lo mi sualten an phû hau loh khawngaihna leh ngaihdamna an hlawh chhuah theih bawk sî loh chu an dîl a ni. Hei hi Pathian hmâa kan zâa nihna theuh entîrna a ni lo'm ni?

Daniela 9:18, 19 chhiar la. A tawngtainna LALPAN a chhânsak chhan tûr eng thil dang nge Danielan a sawi chhuah?

Daniela tawngtaina sawi chhuah tlâk a nihna dang pakhat chu: Pathian hming chwimâwi a nih nâna dîlna hi a ni. Chû chu, Daniela tawngtaina kha mahnî hlâwk nân ni lo vin, Pathian tân zâwk a ni (*Daniela 9:17–19*). Pathian hming chu chawimâwia a awm dâwn avângin a dîlna chu tihsak ngêi tûr a ni ta.

2 Lalte 19:15–19 chhiar la. Engtiang kawngtein nge Hezekia dîlna leh Daniela tawngtaina kha a inan deuh? Keini pawhin Pathian kan chawimâwi vê theih dân tûr eng nge Matthaia 5:16 hian a sawi?

THAWHLEHNÎ

March 3

Dîlsak Tawngtai Hlutna Chu

Daniela 9:5–13 chhiar la. Danielan ‘kan’ ti soal tih a sawi nawn fo a, an hnam chung a chhiatna thlen tûra tisualtûte zînga mahni ngêi pawh a insawi tel khân eng pawimawhna tak nge a neih?

Daniela tawngtaina hi Bible-a mi dangte tâna dîlsakna tam tak zînga pakhat a ni a. Chutiang dîlna chuan Pathian thinlung a dek a, hremna thlentîr lo vin, hmêlmâte laka chhanchhuahna a thlentîr ta zâwk a. Juda hnam pum pui tiboral mai tawh tûr a nih laiin, Mosia dîlsakna zârah Pathianin a kut a thawh leh ta lo va (*Exod. 32:7–14; Nambar 14:10–25*). Khawkhêng nasa takin ram a ei zawh dâwn lai pawhin, Pathianin Elijâ tawngtaina chhângin ramah ruahpui vânwân a sûtîr mai a nih kha (*1 Lalte 18*).

Kan chhûngkaw tân te, ðhiante leh mi dangte tâna kan dîlsak hian, Pathian chuan kan dîlna ngaithlân, a lo che thîn a. Eng emaw châng chuan, zâwi muânga chhân angte pawhin a lang a ni thei e; mahse, Pathianin A fâte mamawh eng mah a theihngihl ngai lo (*Jakoba 5:16*) tihah hian kan châwl hahdam thei a ni.

Hetah pawh hian, Danielan Pathian leh mipuite kêra palai/ dîlsak hnâ chu a thawk a. Pathian Lehkathû a zirna aţangin zâwlnei hian a mîten Pathian dân an bawhchhiat leh a vaulâwkna an ngaihlhâk duh loh vânga an sualzia chu a hre chiang a. An thlarau lam dinhmun chauhzia hriatpuiin, Danielan tihdamna leh ngaihdamna a dîlsak ta a ni. Amah pawh chu a mîte sualnaah chuan a inchiar tel vê tho va. Eng emawti zâwng chuan Kristâ dîlsakna ang kha a thawk vê zâwk a ni (*Johana 17*).

Chuti chungin, danglamna tak erawh chu a awm tho va: Krista kha chu “sual nei lo” (*Heb. 4:15*) ani a, chuvângin mimala sual puan tûr emaw, mimal sual ngaihdam nâna inthâwina hlan a mamawh vê lo (*Heb. 7:26, 27*). Ani chu mak takin mi sualte zîngah a inchiar tel tho va: “Pathianin keimahni avângin sualah a siam” (*2 Korin 5:21, NIV*) tih a ni.

“Mihringa awm ðhatna te, thianghlîmna te, duhawmna te hi la khâwmin, mihring hi chhandam a nih theih nân tiin vântirhkoh hnêna hlân dâwn ta ilang, chutianga rawtna chu ram phantsantu tia hnar a ni ang.”—Ellen G. White, *Faith and Works*, p. 24. **Hei hian Sawipuitu kan mamawhzia eng nge min zirtûr?**

NILÂINÎ

March 4

Messia Hnathawh Chu

Daniela dîlsak ðawngtâinaah hian thil pawimawh pahnih a lo lang a, chûng chu: mipuite sualnate leh Jerusalem ðiâuna a ni. Hêng thilte tâna dîlna chu Pathianin a chhâng a. Messia hnathawh zârah, mipuite chu tlan an la ni ang a, biak bûk pawh hriakthih a la ni

bawk ang. Thîl dîlna bîk pahnihte kha Daniela chheh vêl thila chhân a ni ta a, Messia hnathawh zârah erawh chuan mihring zawng zawngten a hlâwkna an têt thei thung dâwn a ni.

Daniela 9:21–27 chhiar la. Hapta 70 chhûng khân eng hnâ nge thawh ni dâwn? Engati nge Isua chauhin a tihpuitlin theih tûr a nih?

1. “Bawhchhiatna ti kin tûrin.” Hebrai tawnga “bawhchhiatna” sawina (*pesha* ‘) tihin a kawh chu tum rênga mi hnuaihnuung zâwkin mi chungnung zâwk chung a tihsual luih hi a ni (*entîr nân, Thufingte 28:24*). Hê thû hi mihringin uâl-âu leh luhlul chhuah chung a Pathian chung a tihlaih ang chî sawi nân Bible-ah a chuang (*Ezek. 2:3*). Isuâ thisen zârah Pathian chung a helna chu nuai bo a ni a, Kalvari aţanga lo luâng chhuak tlinna chu mihringte tân hlui a ni ta.

2. “Sualte ti tâwp tûrin.” Hê thiltih sawina thû hian ‘chhinchhiah (seal)’ a kâwk a, hetah hi chuan sualna ngaihdam a kâwk. Tlûkna thlen chinah kha chuan mihringten Pathian duh dân an tlin thei ta lo va; mahse, kan tlin lohna chu Messian a chingfel tawh mai dâwn a ni.

3. “Bawhchhiatna tâna inremna siam tûrin.” Paulan: “Famkimna tin rêng chu amaha awm reng leh a kraws thisen chuan remna lo siamin, amahah chuan engkim amah nêna a inremtîr hi Pa lungnihzâwng tak a ni sî a; amah ngeiah chuan leia thil awmte pawh, vâna thil awmte pawh amah nêna a inremtîr hi” (*Kolosa 1:19, 20, NKJV*) tiin a sawi a. Hetah pawh hian, Isua chauhin hei hi atakin a thlentîr thei a ni.

4. “Chatuan felna la lût tûrin.” Kristan krawsah kan âi a awa a, Pathian nêna ‘inremna’ min neihtîr leh ta a ni. Pathiana chhuak felna hi rinna zârah chiah kan chang thei a ni.

5. “Inlârna leh hrihl lâwkna chhinchhiah tûrin.” Inthâwina atâna Krista chu Mahni a inhlan khân, tlanna atâna Amah kâwk tih

tûr Thuthlung Hlui hrih lăwkrate chu a lo thleng famkim (chhinchhiah) ta vek a ni.

6. “Thianghlim Ber hriak thih tûrin.” Heta Thianghlim Ber tih hi mimal ni lo vin, hmun sawina a ni a. Hê thû hian Puithiam Lal ropui (*Heb. 8:1*)ni tûra Kristan hnâ a ƣan khân vân biak bûk chu hriak thih a ni ta tihna a ni.

NINGÂNI Hrih Lăwkna Calendar

March 5

‘Tlăi leh zîng 2,300’ inlărna tâwpah, zăwlneiin a hriat thiam theih loh avângin makti takin a awm a (*Daniela 8:27*, NKJV). A hnû kum sâwmah, inlărna ‘hriat thiamtîr’ tûra Daniela ƣanpui tûrin Gabrielaa lo kal a (*Daniela 9:23*). Hetah hi chuan Messia hnathawh tûr chu Hapta Sawmsarih hun tâwp dăwnah a ni dăwn tih, a hmăa hriattîr loh kha hriattîr a ni ta a ni.

Hrih lăwkna hrih fiah năna ni khatin kum khat a tluk dân angin, thil thleng tûr hrih lăwkna man thiam tûr chuan hapta sawmsarih in kum 490 a tluk dăwn tih hriat a ngai a. Hê hun inƣanna tûr pawh chu Jerusalem sa ƣha leh tungđing tûra thupêk a chhuah aƣangin a ni dăwn a ni (*Daniela 9:25*). Hê thupêk hi Lal Artaxerxes chuan B.C. 457 khân a chhuah a. Judate chu Ezra hruainaa Jerusalem dinthar phalsak an ni (*Ezra 7*).

Bible sawi dân chuan, hapta sawmsarih chu ‘ruât’ ‘hlel thlăk’ tûr a ni. Hei hian kum 490 chu hrih lăwkna chu bung 8-a inlărna târlan hun sei zăwk, kum 2,300 aƣanga lăk ƣhen tûr tihna a ni. Chutiang a nih tâkah chuan kum 2,300 leh kum 490 chhiar ƣanna chu a thuhmun dăwn tihna a ni a, chû chu B.C. 457 a ni.

Hapta sawmsarih hrih lăwkna hi hmun thuma ƣhen a ni a, chûng chu: hapta sarih, hapta sawmruk-pahnih leh hapta sawmsarihna a ni. Hapta sarih (kum 49) chu Jerusalem din ƣhat leh hun a ni ang a, hê hapta sarih hnûah hian hapta sawmruk-pahnih (kum 434) a lo awm leh ang a; chutah “Lal-fapa Messia” chu (*Daniela 9:25*). Tichuan Artaxerxes thupêk chhuah hnû kum 483, chû chu

A.D. 27-ah, Isua Messia chuan baptisma changin, Messia a nihnaa a rawngbâwlna atân Thlarau Thianghlim hriak thih chu a ni ta a ni.

Hapta sawmsarihna hun chhûngin thil pawimawh tak tak thleng tûr a awm dâwn a: 1) “Messia chu tihbo” (*Daniela 9:26*, NKJV) a ni ang, chû chu Kristâ thihna sawina a ni. 2) Messia chuan “hapta khat atân mi tam tak hnênah thuthlung nghet tak a siam ang” (*Daniela 9:27*, NKJV). Hei hi Isuâ lo kal chhan leh Juda hnam hnêna apostolte hnâ tûr chua ni. Chû chu ‘hapta’ hnuhnung ber A.D. 27 – 34 chhûnga thawh a ni. 3) “Mahse, hapta chanveah chuan inthawinate leh thilhlante a tibâng ang” (*Daniela 9:27*, NKJV).

Baptisma a chan aţanga kum thum leh a chanveah (chû chu hapta lai takah), Isuan inthâwina a titâwp a—Thuthlung Thara inthâwina atân Mahni ngêi a inhlan tâk avângin, hrihl lâwkna lamah awmzia a nei zui ta lo va. Ran hmanga inthâwi tûlna chu a titâwp ta a ni. Hapta sawmsarih chu kum A.D. 34 khân a tâwp a. Khâ mi kum hân Stefana chu martar-tîr a ni a, chanchin tha thuchah pawh Judate hnênah chauh ni lo, Jentailte hnênah pawh puan a ni ta a ni.


Daniela 9:24–27 chhiar la. Messia zâra beiseina ropui leh thutiamte kan nei chungin, tharum thawhna te, indona leh chhiatna thlen chanchin kan hre reng tho mai. Kan khawvêla chhiatna a thleng reng chungin, engtin nge chu chuan beiseina la nei cheu tûra min ţanpui theih ang?

ZIRTÂWPŊĬ

March 6

Ngaihtuah Zui Tûr: A hnuai chart-ah hian Daniela 9:24-27-a hrihl lâwkna nêna inzawm hapta 70 chu hrihl fiahin, Daniela 8:14-a kum 2,300 inţanna pawh târlan a ni. Kum B.C. 457 aţanga i chhiar ţan a kum 2,300 i chhiar chhoh zêl chuan kum 1844 i thleng ang. A nih loh leh, kum A.D. 34 aţanga kum la bâng zawng 1,810 i chhiar chhoh chuan 1844 i thleng ang. Chutiang chuan Daniela 8:14-a biak bûk thenfâi kum pawh chu kum 1844-ah a ni tih kan entîr thei ta a ni.

Kum 1844 hi Daniela 7 leh 8-a kan hmuh tâk nêna a inrem dân pawh chhinchhiah la. Daniela 7-ah chuan rorêlna niin, Daniela 8-ah erawh chuan biak bûk thenfâi, kum 1,260 chhûng tihduhdahna thlen (*Daniela 7:25*) hnû, A chatuan lalram din tûra Isuâ Lo Kal Leh hmâa lo thleng chu a ni.



Sawi Ho Tûrte:

- ① **Mi thiamten an sawi, dik tak chu ni 2,300 hrilh lâwkna leh hapta 70 hrilh lâwkna hi hrilh lâwkna pakhat a ni tih hi a ni. Engati nge chu chu an sawi? Tanfung tûr finfiahna eng nge i neih?**
- ② **Mi dangte tawngtâisakna nuna kan sâwtpui tûr eng nge Daniela tawngtâina aţang khân kan zir theih ang?**
- ③ **Kan tâna Kristâ inhlanna kha kan beiseina awm chhun a ni. Engtin nge hei hian inngaitlâwm tûra min vawn ang a, hmangaihnaa khat leh mi dangte ngaidam thei kan nihpah theih ang? Luka 7:40-47 hian eng nge min hriattûr t̄heuh tûr ni ang?**
- ④ **Daniela tawngtâina leh beiseina atâna Pathian Thu pawimawhzia kha ngaihtuahla. An hnam chu hneh tawh leh sala hruai, an ram pawh tihchhiat leh an khawpui pawh tihram dêr tawh a ni. Chutiang a ni chung chuan, an ram lama hâwn leh beiseina an la nei cheu mai. Bible leh Pathian thutiamte bâk khawi aţangin nge beisei tûr an neih chuân ang nî? Chû chuan Pathian Thûa thutiamte aţanga beiseina nei vê thei tûr kan nihzia eng nge min hriattûr tûr ni ang?**